

Sulisitsisut allattorsimaffianut immikkoortorta qarfimmi aqutsisussarsiorneq

Sulisitsisut allattorsimaffianut immikkoortorta qarfimmi aqutsisoq.

Akileraartarnermut Aqutsiso qarfimmi immikkoortortami aqutsisussamik atorfik
inuttassarsiuunneqarpoq 1. november 2026 immikkulluunniit isumaqatigiissuteqarnikkut
sulilersussamik.

Sulinermi aaqqissuussaaneermik inissisimaneq:

Atorfik Nuummi Akileraartarnermut Aqutsiso qarfiup Aningaasa qarnermut
immikkoortortami, sulisitsisut allattorsimaffiat inissisimavoq.

Suleqatigiinni sulisitsisut allattorsimaffiani 3-suugallarput ilinniartorlu ataaseq.

Sulisitsisut allattorsimaffiat akisussaasuvoq sulisitsut sulisumi akissarsiat
nalunaarutigineqarnissaat, ulluinnarni oqarasuaatikkut imaluunniit mail-ikkut sulisitsisunik
attaveqartarneq.

Taamaammat pingaaruteqarpoq, illit qinnuteqartoq saaffiginnittut qitiutillugit ullormut
ulapaarfiusinnaasumi oqaloqatiginninnissamut allattariarsornikkullu pikkoriffeqarnissat
aammalu allanik suleqateqarsinnaaneq aaqqiissutissarsiorsinnaassuseqarlutillu
piumassuseqarlutillu piginnaasaqarnissat.

Akileraartarnermut Aqutsiso qarfik nunatsinni akileraartarnermut qullersaqarfiuvoq
ulluinnarni suliassaralugit akileraaruserineq, akitsuuserineq aamma akiliisitsiniarneq.

Sulisitsisut allattorsimaffiat Akileraartarnermi Aqutsiso qarfiup aaqqissuunneqarfiani
Aningaasa qarnermut immikkoortorta qarfiani inissisimavoq.

Pisortatut makku pingaarnertut suliassarivatit:

- Immikkoortorta qarfimmi pisortatut akisussaaffik siulersorlugu allaffissornikkut suliassat
sulisitsisuniit qaammammut aammalu ukiumut nalunaarsukkat.
- Isumagisussaallugu sullissineri pitsaassutsimigut, sullerissusikkut aamma
isumannaatsumik sivikinnerpaamillu immikkoortorta qarfiup suliariarisartagai
suliarineqarnissai.
- Sammisaqarfimmi sulisitsisut sullinneqarnissai qulakkeerniassallugit eqqortumik
nalunaaruteqarnissaat aammalu qarasaasiatigut system-it atorineqarnissaannik
eqaallisaaqataassallutit.
- Sammisaqarfiup sulisitsisuniit nalunaarsukkat naligiissaassallugit, sulisitsisut
ingerlalerneqani aammalu sulisitsisutut taamaatittut nalunaarneri, saaffiginnittunut
sullissinerit, oqarasuaatikkut aammalu qarasaasiakkut allakkat isaasut, nukingisaarutini
ingerlatsineq.
- Nalunaarutini kukkunilinnik misissuineq (cpr.nr.)
- Elektronisk-imik akileraarutit allagartaanik pilersitsiniarnermi peqataasarneq.
- Aningaasanik pisassaqaalernerimi misissuineq (Kreditsaldo)
- Qallunaat nunaannut akileraarutiniq nalunaaruteqarneq aammalu akiligassartaanik
isumaginninneq.

- Sulisitsisunut ilitsersuineq
- Akileraartarnermi Aqutsisoqarfiup qarasaasiakkut suleqatigisartagaannut attaveqartarneq
- Suliassat nalinginnaasut saniatigut allanut suliassanut peqataasarnissaq, immikkoortortaqaarfiillu allat akimortumik suleqatigisarnissai.

Allaffimmi aqutsisoq qaninnertut aqutsisorissat.

Piginnaasat:

- AU imaluunniit allaffimmiutut ilinniarsimasuussaait, aammalu misilittagartuunissat.
- Qarasaasiatigut sullissinissamik pikkoriffeqassaait
- Sullisserusussuseqarnissaq, namminersorlutit sulisinnaanissat, peqataalluartuunissat aalajaallutillu akisussaafeqarnissat aammalu suleqatikkuminartuunissat.
- Qiimasuunissaq avammullu attaveqarluartuuneq
- Allattariarsornikkut oqaluttariarsornikkullu pikkoriffeqarnissat, kalaallisut oqalussinnaaneq, qallunaatut tuluttullu iluaqutaassaaq.
- Ulapaarfinni sulianik tulleriaarilluarsinnaasoq
- Suliassaqaarfimmut, inatsisinut aammalu naatsorsuuseriaasermut nalunngisaqarnissaq
- Excel regneark, word il.il. nalunngisaqarnissaq

Atorfik pillugu saaffiginniffissaq:

Allaffimmi Pisortamut Charlotte R. Lyberth saaffigineqarsinnaavoq, oqarasuaat toqqaannartoq 34 65 14, e-mail: cly@nanoq.gl

Qinnuteqaat:

Qinnuteqaatit, CV, ilinniarsimasanut pikkorissaatigisimasanullu uppersaaitit kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkut.

E-mail-ikkut qinnuteqaatinik tigusineq ajorpugut.

Piffissaq qinnuteqarfissarititaasoq kingulleq:

Qinnuteqaat Akileraartarnermut Aqutsisoqarfimmut kingusinnerpaamik tigoreersimassavarput 14. Oktober 2026.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Qinnuteqartoq uppersaaititalinnik piginnaasalik immikkut siunnersortitut, siunnersortit pisortaatus siunnersortaanertuunniit isumaqatigiissutit naapertorlugit atorfinitsinneqarsinnaasarpoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaattit kiisalu
paasissutissat allat pisariaqarsinnaasut "qinnuteqaat nassiuguk" toorlugu nassiutikkitt.

E-mail-ikkut qinnuteqaatinik tigusineq ajorpugut.